

黃梅縣志卷一

地理志

星野

天道雖遠星垂象焉撒沙之繁璣曜珠聯天人感召夫豈偶然梅於星野不彌一度山川粲穆經緯參互躔次推求終鮮依據然而景星慶雲遐邇仰觀藐茲百里上隸三垣旅陳典籍匪術家言志星野

史記天官書丙丁江淮海也戊己中州河濟也庚辛華山以西壬癸恆山以北梅隸淮南道十干方位當屬丙丁

唐書牛女吳越分牛女者丑也正義並云丑為吳越分十二

黃梅縣志

卷一

星野

一

支方位梅當屬丑

周禮春官保章氏以星土辨九州之地鄭氏註云星土星所主之土星紀吳也十二次分野梅屬星紀

帝王世紀云自天地設闢未有經界之制諸子稱神農之王天下也地東西九十萬里南北八十五萬里及黃帝受命始

作舟車濟不通乃推分星次自斗十一度至婺女一名須女七度

曰星紀之次于辰在丑係吳越分野梅為揚州之域應屬吳越二十八宿分野梅當屬斗

按揚州主斗牛荊州主翼軫梅為蕪春郡隸古揚州之域為斗宿詳楚地照燭由漢水之陰趨光化穀城棗陽折而隨州

抵應山於漢爲南陽郡接張十七度終入翼凡六度自襄陽  
宜城南漳歷荊州安陸二府西盡三峽東盡天門析以岳之  
華容東境皆古南郡地凡入翼十度沿漢川漢陽逾武昌樊  
口入黃州括二郡境以至德安之安陸雲夢應城孝感其地  
爲江夏郡入翼十二度由興國以南蘄州以北濱彭蠡廬江  
於域爲揚州蓋翼之十二度終而斗之度始入焉黃州一府  
似應割蘄州廣濟黃梅三處入古揚州梅之接壤西南德化  
東南宿松皆與蘄廣地勢犬牙同爲吳越舊地潛確類書皆  
主斗宿並屬星紀之次通考梅於秦爲九江郡入斗一度德  
化於漢號柴桑爲豫章郡入斗十度宿松於漢號松滋爲廬

江郡入斗六度舊志梅占鶉尾之次翼軫之間蓋本晉書自  
張十七度至軫十一度鶉尾之次爲楚分野之文旣毘連兩  
邑俱入斗梅似不應獨入翼不知梅乃近代轄黃而古隸揚  
州歷考天文各志及散見他書斗牛爲吳越分野並無異詞  
主翼之說似未確